

**ZAKON  
O IZMJENAMA ZAKONA O KOMUNALNIM  
DJELATNOSTIMA**

Član 1.  
(Izmjena člana 47.)

U Zakonu o komunalnim djelatnostima ("Službene novine Kantona Sarajevo", broj 32/04, 21/05 - ispravka i 36/14) u članu 47. stav 1. riječi: "od 1.000,00 KM do 8.000,00 KM" zamjenjuju se riječima: "od 3.000,00 KM do 20.000,00 KM".

U stavu 2. istog člana riječi: "od 500,00 KM do 1.500,00 KM" zamjenjuju se riječima: "od 2.000,00 KM do 6.000,00 KM".

Član 2.  
(Izmjena člana 48.)

U članu 48. u stavu 1. riječi: "od 3.000,00 KM do 5.000,00 KM" zamjenjuju se riječima: "od 6.000,00 KM do 15.000,00 KM".

U stavu 2. istog člana riječi: "do 1.000,00 KM" zamjenjuju se riječima: "od 2.000,00 KM do 6.000,00 KM".

Član 3.  
(Izmjena člana 49.)

U članu 49. u stavu 1. riječi: "od 3.000,00 KM do 5.000,00 KM" zamjenjuju se riječima: "od 6.000,00 KM do 15.000,00 KM".

U stavu 2. istog člana riječi: "do 1.000,00 KM" zamjenjuju se riječima: "od 2.000,00 KM do 6.000,00 KM".

U stavu 3. istog člana riječi: "do 800,00 KM" zamjenjuju se riječima: "od 1.500,00 KM do 4.000,00 KM".

Član 4.  
(Izmjena člana 50.)

U članu 50. u stavu 1. riječi: "od 3.000,00 KM do 8.000,00 KM zamjenjuju se riječima: "od 10.000,00 KM do 30.000,00 KM".

U stavu 2. istog člana riječi: "od 500,00 KM do 1.500,00 KM" zamjenjuju se riječima: "od 3.000,00 KM do 9.000,00 KM".

U stavu 3. istog člana riječi: "do 800,00 KM" zamjenjuju se riječima: "od 2.000,00 KM do 6.000,00 KM".

Član 5.  
(Stupanje na snagu Zakona)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-26603/15  
07. oktobra 2015. godine  
Sarajevo

Predsjedavajući  
Skupštine Kantona Sarajevo  
**Sejo Bukva, s. r.**

Na osnovu čl. 117. i 175. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Skupština Kantona Sarajevo, na sjednici održanoj dana 07.10. 2015. godine, na prijedlog Zakonodavno-pravne komisije Skupštine Kantona Sarajevo za davanje autentičnog tumačenja člana 163. stav (15) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst), iniciran od strane Univerziteta u Sarajevu, prof. dr. Milanke Miković i doc. dr. Sanele Bašić, usvaja/donosi

**AUTENTIČNO TUMAČENJE**

**ČLANA 163. STAV (15) ZAKONA O VISOKOM  
OBRAZOVANJU**

1. Član akademskog osoblja koji je, o svojoj namjeri da ostane angažiran nakon završetka studijske godine iz stava (6) ovog

člana, pismeno upoznao rukovodioca organizacione jedinice najkasnije šest mjeseci prije navršenih 65 godina života, ostaje u radnom odnosu na visokoškolskoj ustanovi do navršene 70-te godine života, ukoliko nakon provedene procedure u skladu sa članom 97. ovog Zakona na to mjesto nije izabran drugi nastavnik i ukoliko mu to omogućava odluka o izboru u zvanje.

2. Za vrijeme dok je u radnom odnosu u smislu člana 109. stav (8) Zakona o visokom obrazovanju, član akademskog osoblja koji je imenovan za mentora ili člana komisije za ocjenu i odbranu magistarskog odnosno doktorskog rada prije navršenih 65 godina života, ima pravo ostati mentorom odnosno članom komisije, dok kandidat ne stekne naučno zvanje magistra odnosno doktora nauka.
3. Ukoliko članu akademskog osoblja iz tačke 3. prestane radni odnos prije nego kandidat stekne naučno zvanje magistra odnosno doktora nauka, član akademskog osoblja ima pravo ostati mentorom odnosno članom komisije, dok kandidat ne stekne naučno zvanje magistra odnosno doktora nauka, ali izvan radnog odnosa.
4. S obzirom da se procedura izbora nastavnog osoblja iz člana 97. Zakona o visokom obrazovanju provodi prije početka svake studijske godine, te postoji mogućnost da član akademskog osoblja do 70 -te godine ostane u radnom odnosu, on ima sva prava iz radnog odnosa kao i drugi nastavnici, a među njima i pravo da nakon 65 godina života bude imenovan za mentora ili člana komisije za ocjenu i odbranu magistarskog odnosno doktorskog rada.
5. Autentično tumačenje predstavlja integralni dio teksta ovog Zakona i objavit će se u "Službenim novinama Kantona Sarajevo".

Broj 01-05-26605/15  
07. oktobra 2015. godine  
Sarajevo

Predsjedavajući  
Skupštine Kantona Sarajevo  
**Sejo Bukva, s. r.**

Na osnovu čl. 12. stav 1. tačke f) i l) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 28/04 i 6/13) i čl. 40. i 45. stav 2. Zakona o prostornom uređenju ("Službene novine Kantona Sarajevo", broj 7/05), Skupština Kantona Sarajevo, na sjednici održanoj dana 07.10.2015. godine, donijela je

**ODLUKU**

**O PRISTUPANJU IZRADI IZMJENA I DOPUNA  
PROSTORNOG PLANA POSEBNOG PODRUČJA  
PRIRODNOG NASLIJEDA "VODOPAD SKAKAVAC"**

Član 1.  
(Predmet)

- (1) Pristupa se izradi Izmjena i dopuna Prostornog plana posebnog područja prirodnog naslijeđa "Vodopad Skakavac" ("Službene novine Kantona Sarajevo", broj 32/09), (u daljem tekstu: Izmjene i dopune Plana).
- (2) Izmjene i dopune Plana izvršit će se po skraćenom postupku.
- (3) Izmjene i dopune Plana se rade radi preciznijeg opisa granica obuhvata Prostornog plana područja prirodnog naslijeđa "Vodopad Skakavac".
- (4) Obuhvat i površina Prostornog plana posebnog područja prirodnog naslijeđa "Vodopad Skakavac" se ne mijenjaju.

Član 2.  
(Granice područja)

- (1) Granica obuhvata Spomenika prirode polazi od trigonometra Kozo kota 1256, ide na sjevero istok do raskršća u tačku sa koordinatama (y-6 535 886, x-4868 914), potom nastavlja putem iznad Jasikovca do raskršća (y-6 536 239, x-4 869 0999), dalje u blagom luku ide do potoka (y-6 536 969, x-4 869 273), zatim u pravoj liniji prelazi preko kote (Nebešina) 1418 do puta, tu se lomi, skreće na jugo-istok, presijeca potok Sušicu i dolazi do tačke sa koordinatama (y-6 538 366, x-4 868 701),

opet se granica lomi na jugo-istok do tačke (y-6 538 589, x-4 686 321), te skreće na jugo-zapad do kote 1247 (y-6 538 224, x-4 868 005), zatim dolazi na Perački potok (y-6 538 085, x-4 867 394), nastavlja uzvodno potokom do kote 924. Tu se granica lomi, ide na jugo-zapad kosom, pa krivudavim šumskim putem presijeca kolski put u izgradnji i dolazi do kote 1494 (Vratolom). Zatim skreće na zapad, prolazi sjeverno od planinarskog doma i dolazi do kote 1534 (Bukovik). Odatle granica ide kosom na sjevero-zapad do tačke sa koordinatama (y-6 535 954, x-4 865 989), nastavlja dalje prema jugo-zapadu u dužini od oko 230 m, skreće na kotu 1401 (sjevero-istočno od kote 1387 Uževica). Tu se granica lomi, ide na sjevero-zapad kosom kroz šumu i do kraja šume u tačku sa koordinatama (y-6 534 923, x-4 867 049), nastavlja dalje kosom do tačke sa koordinatama (y-6 534 964, x 4 867 335), potom granica ide na sjeverozapad presijecajući Perački potok, pa kosom kroz šumu do tačke sa koordinatama (y- 6 534 631, x-4 867 850), zatim granica nastavlja ivicom šume do tačke sa koordinatama (y-6 534 646, x-4 868 130), odatle pravom linijom na kotu 1066, pa na sjevero-istok putem do tačke sa koordinatama (y-6 535 165, x-4 868 502), potoma na kotu 1256 (Kozo) odakle je opis ovoga područja i počeo.

- (2) Sve gore navedene parcele se nalaze u: K.O. Visojevica, Općina Ilijaš; K.O. Tihovići, Općina Vogošća; K.O. Nahorevo i K.O. Močioći II, Općina Centar; K.O. Močioći i Vučija Luka, Stari Grad.
- (3) Površina obuhvata iznosi: P = 1430,07 ha.
- (4) Opis granica je urađen sa karata razmjere: R = 1:10 000 i 1:25000.

#### Član 3.

(Period za koji se Izmjene i dopune Plana donose)

Izmjene i dopune Plana se donose za period od 2015. do 2023. godine.

#### Član 4.

(Smjernice za izradu Odluke)

Smjernice za izradu izmjena i dopuna Odluke plana su:

- a) U cilju osiguravanja što jasnije identifikacije granice obuhvata na terenu, izvršiti upotpunu njenog opisa kao i opisa Prve (Nukleus) i druge (Puffer) zaštićene zone sa dodatnim prelomnim tačkama terena i njihovim koordina-

tama, na onim mjestima gdje su razdaljine između dvije prelomne tačke terena velike.

- b) Tekst koji se odnosi na Treću (Tranzicijska) zaštićenu zonu zadržati nepromijenjen.

#### Član 5.

(Rok za izradu izmjena i dopuna Odluke)

Rok za izradu Izmjena i dopuna Plana je 30 dana od donošenja ove Odluke.

#### Član 6.

(Način osiguranja sredstava za izradu Izmjena i dopuna Plana)

Za izradu Izmjena i dopuna Plana nisu potrebna posebna budžetska sredstva.

#### Član 7.

(Odredbe o proceduri donošenja Izmjena i dopuna Plana)

Obzirom da se ne radi o složenijim i obimnijim Izmjenama i dopunama Odluke iste će se donijeti po skraćenom postupku.

#### Član 8.

(Nosilac pripreme i nosilac izrade Izmjena i dopuna Plana)

- (1) Nosilac pripreme za izradu Izmjena i dopuna Plana je Vlada Kantona Sarajevo.
- (2) Nosilac izrade Izmjena i dopuna Plana je Zavod za planiranje razvoja Kantona Sarajevo.

#### Član 9.

(Grafički prilog)

Sastavni dio Odluke je grafički prilog - obuhvat Prostornog plana područja prirodnog nasljeđa "Vodopad Skakavac" u R= 1:10.000.

#### Član 10.

(Stupanje na snagu Odluke)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-26606/15  
07. oktobra 2015. godine  
Sarajevo

Predsjedavajući  
Skupštine Kantona Sarajevo  
**Sejo Bukva, s. r.**

